

65 Faciesque, ut ad terram revertantur propriam,
Et servabis in eternum pactum cum nepotibus
Filiisque, quod eorum promisisisti patribus'.

f. 1^v. Postquam autem rex complevit preces coram Domino,
De terra surrexit atque benedixit populo,

70 Si quidem utrumque genu in terram defixerat
Et utrasque manus suas in celum expanderat.
Boum post hec immolavit bis undena milia
Oviumque centum simul et XX milia,
Sicque templum dedicavit magna cum leticia.

75 Populum dehinc redire permisit ad propria,
Quoniam plebs universa ab introitu Emath
Usque ad rivum Egypti ad regem convenerat.

Tunc locutus est in somnis Salomoni Dominus:

'Faciam, quod postulasti, et ero propicius

80 Hoc in loco cunctis meum nomen invocantibus.

Domus haec oracionis domus appellabitur,
Et in ea nomen meum semper invocabitur.

Super David patris tui tu sedebis solium,
Filiisque tuis dabo illud in perpetuum,

85 Si tamen, ut pater tuus, que precepi, feceris
Filiosque tuos ea facere docueris;

Si tui mandata mea filii contempserint

Et me spreto alienos deos adoraverint,
Domus, quam edificasti, erit in obprobrium,

90 Filiosque tuos hostes ducent in exilium'.

Post hec Salomon peccavit amore mulierum,
Colens Astarten Mollochque sive Chamos ydolum,
Et edificavit templa supradictis ydolis.

Factum est hoc in ruinam tam patri quam filiis.

95 Nam post mortem Salomonis regnum eius dominus

Scidit, atque super duas de bisseis tribubus

Quidam filius regnavit Salomonis Roboam,

Decem tribus servus eius possedit Ieroboam;

Sic in Benjamin regnavit Roboam et in Iuda

f. 1^v. 100 Servus eius super decem tribus in Samaria.

Deinceps peccata nimis tam regum quam populi

Increverunt, oblitique mandatorum Domini

Simulacra coluerunt atque deos gencium.

Quod tam regibus quam plebi versum est in scandalum.

105 Nam Ieroboam conflavit vitulos et in Bethel

Ponens illos fornicari fecit regnum Israel,

Eodemque modo reges, qui fuerunt in Iuda,

Immolabant in excelsis et plantabant nemora,